

dating
birthdays
sports
music
style
stories
stars
parties
technology
games
events
international
news
beauty
culture
education
traditions



EXCLUSIVO CU ROGER PETERSON

Skirbi pa: Angelo Roga

Roger ta bisa cu e gusta tur sorto di musica.

Roger a cuminsa dal su stap como musico na Hulanda ora cu el a cuminsa bai na Rockacademy na Tilburg, Hulanda, unda cu el a conoce e integrantenan cu awe ta forma e grupo "Intwine".


Roger Peterson, un hoben arubano cu a nace na Aruba dia 1 di December 1980, a logra di conquista su soño como artista musical no solamente aki na Aruba, pero tambe na Hulanda y Merca, logrando cu e y su grupo por a posiciona nan mes den e Top 10 internacional.

Yiu di Romeo y Marlene Peterson, Roger su famia ta residencia na Rooi Koochi y tabata alumno di Colegio Arubano.



Roger a cuminsa canta na edad di 6 aña den un koor, despues na edad di 14 aña, el a cuminsa den un banda yama "Moose" e tempo ey como drummer pa un paar di aña, sin embargo e tabata kier a purba otro posicionnan den e banda. Un tempo despues el a cuminsa canta na "The Cellar" cu diferente banda manera "So What" y "R&M". Na aña 2000, Roger a bai biba na Hulanda.

"Intwine" ta un grupo musical hopi versatil ya cu nan estilo di musica segun e definicion di e grupo ta: "Afrocubanpowermetaltreggaeahop" y



E exito musical "Happy" a wordo skirbi pa Roger mes y e tabata un inspiracion basa ariba diferente experiencianan personal. "Happy" a resulta di ta un exito completo, un cancion hopi gusta pa e publico hubenil cu a logra posiciona den e Top 10 internacional.

Nos a puntra Roger ariba e reaccion cu el a haya ora di scucha su cancion pa prome biaha sona na radio na loke el a contesta: "Mi ta sintimi hopi honra pasobra no ta hopi arubiano ta yega asina leu. Ora cu mi a scucha mi cantica pa prome biaha na radio, e tabata un sensacion straño pasobra e cantica ta zona otro na radio cu ora mi ta tende for di un CD, pero mi ta sintimi hopi bon."


E videoclip "Happy" a wordo produci pa un productor belga yama Peter kende a yega di produci hopi

videoclip na Hulanda, e historia di e videoclip aki ta cu nan a papia cu Peter pa produci e videoclip simplemente pa presenta e banda y e filmacion a ser haci na Antwerpen den un mina di carbon.

E videoclip ta ser pasa na e principal canalnan musical manera MTV, TMF, y The Box. E grupo a haya hopi comentarionan positivo pa cu e video aki, ya cu toch pa e simplicidad di esaki, ta hopi bon calidad.

Entre nan plannan pa futuro ta asina cu muy pronto nan lo ta produciendo un single pa e publico por sigui cu e interes pa nan produccion, esaki ta debi cu e produccion di nan album lo ta cla pa fin di zomer.

Tabata tin un rumor cu un drummer arubano a reemplaza e drummer original, na loke nan a splica cu en berdad, e drummer original ta un excelente drummer, pero door cu tur cos a bay asina lihe anto nan no a hanja chens pa audition pa drummer anto nan tabata hanja cu e guy ta toka bon, dus e la toka cu e nan pero despues nan a ripara cu e no ta click musicalmente entre nan anto nan a buska Jeremy




E eventonan relaciona cu e produccion di e grupo tabata bai na un ritmo liher, nan no a haya chens di haci un audicion pa drummer, debi na esaki nan a bin cu e drummer arubiano Jeremy Bonarriba ya cu e tabata bon conoci pa Roger y nan a toca hunto den varios ocasion, ademas e por a toca diferente tipo di musica y a bin resulta di ta un bon decision.



Nos a pidi Roger pa duna un mensahe na e publico di Aruba y esaki tabata su mensahe: "mi kier a gradici henter e pueblo di Aruba pa sostenemi y tambe gradici tur e arubiano nan aki na hulanda cu ta bin sostenemi na mi tokanan. Un mensahe cu mi tin pa e hubentud ta pa nan Stay true to themselves and be proud of who they are"

JACOB STREEFKERK



Jacob Streefkerk a nace na Hulanda dia 19 di December 1978; tres luna despues e a bai biba na St. Maarten.

Jacob a cuminsa practica musica na edad di 15 aña, y e ta gusta varios tipo di musica, entre nan: Reggae, latin, rock, metal y pop, y entre su hobbynan e ta gusta practica beach volleyball y snowboard.

KEVIN HISSINK



Kevin a nace na Hulanda dia 15 di Februari 1979 y a cuminsa su prome stap den musica na edad di 13 aña.


Su gruponan musical preferi ta Red Hot Chilli Peppers, Jimmy Hendrix, Woost, Fugazi y Gotcha y su hobbynan ta hunga futbol y schilder.

TOUCHE



Touche a nace dia 30 di Juli na St. Maarten. Touché a cuminsa siña musica na edad di 11 aña y su ritmonan musical favorito ta reggae, R&B, latin, hip hop, soca y calypso y su hobby favorito ta hunga basketball.

JEREMY BONARRIBA



Jeremy Adolf Bonarriba a nace na Aruba dia 10 di Augustus 1979.

Jeremy tin actualmente 11 aña di experiencia como drummer, Jeremy ta conta cu su tata kende tambe ta un drummer, a inspire pa e siña toca. E ta gusta e ritmonan Latin y folklorico.

El a contanos con el a cuminsa den e grupo "**Intwine**" y tabata asina cu Roger a contacta un guy cu a yega di toca hunto cu Jeremy y a puntre si e sa algo di Jeremy pasobra posiblemente e lo tin un trabao p'e, ora e noticia a yega na oido di Jeremy, esaki a causa cu el a bira hopi contento pero a la vez el a sinti su mes intriga pasobra e no tabata sa ta ki tipo di trabao e ta referi, pero despues el a keda complaci di sa cu tabata relaciona cu e proposicion di drenta den e grupo como drummer.

Jeremy a conoce Roger na Aruba unda cu nan a yega di toca hunto den varios ocasion.

Nos a puntra Jeremy ariba su plannan pa futuro, na loke el a contesta cu el a bin Hulanda pa keda y por lo pronto e lo bai enfoca su mes den e banda y kizas e proximo aña e lo cuminsa bai scol.

DINI MAAGDENBERG (MANAGER)



Dini Maagdenberg ta e manager di e grupo, y nos a entrevista tambe pa sa un poco di su experiencia cu e grupo "Intwine".

Dini a maneha varios otro artista, pero na su impresion, e artistanan aki no a logra di yega mucho leu, sin embargo **Intwine** tabata otro historia ya cu e ta su prome rock band cu e ta maneha y cu a logra di yega asina leu.

Nos a pidi Dini pa conta nos con el a bin cera conoci cu **Intwine** y el a conta nos lo siguiente: "Mi no tabata na Hulanda ora cu e programa **Idols** a cuminsa, ora cu mi a yega foi vakantie ya Roger no tabata den "**Idols**" mas, anto pesey mi no a logra di wake. Door di mi trabao mi tin cu ta hopi Online pa mi keda na altura di e ultimo desaroyonan den e mundo musical, eynan mi a cera conoci cu Roger, e di prome biaha cu mi a tende canta, su voz a impresionami, ora e ta canta e ta hacie cu hopi feeling y esey ta algo cu hopi cantante ta falta.

Mi a wak mas cu un cantante den dje, sin embargo e ora ey ainda mi no tabata sa cu e tabata forma parti di e banda **Intwine**, mi a tende for di un DJ cu mi conoce cu nan lo toca na Waalwijk.

Mi a bai mira nan presentacion y for di nan prome instante cu mi a miranan toca, mi tabata convenci cu nan lo yega leu den mundo musical. For di e prome biaha cu mi a papia cu nan, el a klik entre nos, nos a decidi cu mi lo tuma e posicion como nan manager y mi a hasi e promesa cu mi lo haci nan famoso.

Nos di PanCayente y On The Air kier a desea Roger y su grupo tur clase di exito cu nan futuro den e mundo di musica alaves nos ta invitabo pa bishita e website di **INTWINE** na www.intwine.nl

E team di PanCayente y On The Air kier a gradici Marie-Thérèse Croes y Charlene Huntington como nos corresponsalnan na Hulanda, cu a hasie e entrevista aki posibel.




Roger hunto cu su famia



Roger hunto cu su mama y tata na e 2003 Heineken Regatta na St.Maarten



Roger cantando "Happy"



Jacob riba su guitar



Roger na e bautizo di su prome CD



Roger riba e escenario na St.Maarten



Jeremy y Touché na training



Touché tocando na Waalwijk